

ზესტაფონის მუნიციპალიტეტის ზოგადი ცნობები და დემოგრაფიული მახასიათებლები

მანანა კვეტენაძე

ელ-ფოსტა: mananakvetenadze@gmail.com

გეოგრაფიის დეპარტამენტი, ზუსტ და საბუნებისმეტყველო მეცნიერებათა ფაკულტეტი
ივანე ჯავახიშვილის სახელობის თბილისის სახელმწიფო უნივერსიტეტი

ნაშრომში წარმოდგენილია ზესტაფონის მუნიციპალიტეტის შესახებ ინფორმაცია, სადაც წარმოჩენილია მისი გეოგრაფიული მდებარეობის მიხედვით ეკონომიკური თუ ტურისტული განვითარების პოტენციალი, როგორც რეგიონულ, ისე მუნიციპალურ დონეზე.

ასევე, ნაშრომში ყურადღება დაეთმოა ისეთ დემოგრაფიულ პროცესებს, როგორიცაა მიგრაცია, შობადობა და მოკვდაობა. აღნიშნულთან დაკავშირებით მოხდა მოსახლეობის აღწერების მიხედვით სტატისტიკური მონაცემების დამუშავება და ანალიზი, რომელმაც აჩვენა პირდაპირი კავშირი ეკონომიკურ მდგომარეობასთან. გეოგრაფიული ადგილმდებარეობა და აქ არსებული სამრეწველო დარგები თუ სხვადასხვა კომერციული დაწესებულებების რაოდენობა, ნამდვილად იძლევა იმის საშუალებას რომ მუნიციპალიტეტში დაფიქსირდეს ეკონომიკური ზრდა. რაც თავისთავად გამოიწვევს მოსახლეობის ცხოვრების დონის გაზრდას, კეთილდღეობის ამაღლებას, შედეგად წარმოაჩენს მუნიციპალიტეტს, როგორც რეგიონულ, ასევე სახელმწიფოებრივ დონეზე.